

PARS SECVNDA
DE CONTRACTIBVS
VEL QVASI.

I.

Iuri offerendi aut pacto de retrouen-
dendo an præscribatur.

*Duæ sunt de hac questione Furisconsultorum opinio-
nes, quibusdam præscriptioni locum esse affirmantibus, alijs
contra id negantibus. Quia verò nec in Collegijs quidem et-
iam facultatum Iuridicarum & Scabinatum nostrarum di-
tionum eadem omnium de hac fuit sententia, igitur nobis per
consiliarios nostros mandantibus, in id deputati nostri conue-
nerunt, ut secundum eam opinionem, quæ in Camera Impe-
riali, partim etiam iudicio Curiali seu Prouinciali nostro ob-
tinet, deinceps & respondeatur & iudicetur, nimirum quod
neq; iuri offerendi neq; pacto de retrouendendo, vlllo vnquam
tempore, ne centum quidem annorum aut plurium etiam præ-
scribatur, sed semper & quandocunq; pignus redimi, vel res
vendita, iuxta legem conuentionis, ubi illa probatur, lvi &
reemi possit.*

S V M M A R I A.

1. In Electoratu Saxonie iuri offeren-
di nullo vnquam tempore præ-
scribitur, ne quidem immemoria-
li vel centum aut plurium etiam
annorum.

2. Emens cum pacto de retrouendendo
an oblato sibi pretio precisè re-
uendere teneatur, an verò præ-
stando interesse liberetur.



CONTRouERSA
admodum est in iure
quæstio hac, an iuri
offerendi siue ex pa-
cto de retrouenden-
do siue ex contractu

pignoratio alicui competenti præscribi
possit, vt apparet ex ijs quæ tradunt
Franc. Balb. in tract. de præscript. 4. p.
5. p. princ. quæst. 2. & 3. And. Tiraq.
in tract. de retract. 2. p. §. 1. gloss. 2. per
tot. & quos vterq; copiosè ibidem alle-
gat.

M

gat.